

五礼通考

第九
卷
第十
册

五禮通考卷第二百三

內廷供奉禮部右侍郎詹曠秦蕙田編輯

翰林院編修嘉定錢大昕

李太保總督魏部觀承同訂

直隸按察司副使元和宋宗元

參校

嘉禮七十六

體國經野

書禹貢荆河惟豫州

雖指傳曰西南至荆山北距河水曾氏曰臨沮之荆
山其陰為豫州其陽為荊州渭案河南河也其不言
南者蒙上至于南河省文也荆山主南言傳不當兼
西亦猶青之岱主南言不當兼西也 豫之南界亦
判自南漳縣之荆山西起保康歷宜城棗陽及隨州
之北境故隨縣地州之南境廢光化縣地入荆域又東為信陽羅山皆與
荆接界處也 豫北濱冀之南河其西與華陰接華

陰雍域也案職方豫州山鎮曰華山通典云卽今華陰郡山連延東出故屬豫州九域志云華山四州之際東北冀東南豫西南梁西北雍十字分之四隅爲四州也豫之北界由華山而東爲閿鄉靈寶陝州澠池新安洛陽孟津鞏縣汜水河陰滎陽滎澤又東北爲陽武延津皆在南河之南

陽武自元時河從原武決而東南流始爲河北地

又東

北抵濬縣大伾山冀兗豫三州之交也

豫東接兗

徐揚三州之界自封邱而東爲長垣東明又東爲考城定陶曹縣城武單縣與兗接界又南爲夏邑永城亳州潁州又東爲潁上蒙城皆在淮北與徐接界自潁州以西爲商城息縣眞陽踰淮而南爲信陽與揚接界豫西自閿鄉以南爲盧氏鄖縣及鄖西之東境故鄖縣地與雍梁接界豫居中央爲輻輳之地接

界者七州唯青爲克徐所隔與豫不相接云

伊洛瀍澗旣入于河

錐指傳曰四水合流而入河正義曰地理志云伊水

出宏農盧氏縣熊耳山東北入洛洛水出宏農上洛

縣冢領山東北至鞏入河瀍水出河南穀城縣潛亭

北東南入洛

城志作成潛志作替

澗水出宏農新安縣東南入洛

伊瀍澗三水入洛合流而入河傅氏曰導洛言東北

會于澗瀍又東會于伊序水之次第此言伊洛瀍澗

乃治水之先後渭案漢上洛縣卽今陝西西安府商

州治盧氏新安二縣今屬河南府穀城故縣在今洛

陽縣西北

今盧氏嵩縣伊陽

伊陽屬汝州以伊水與嵩縣分界

洛陽界

中皆伊水之所經也商州盧氏永寧宜陽洛陽偃師

鞏縣界中皆洛水之所經也近世乃過汜水縣北入

河則洛口又移于東矣

地理今釋伊水出今河南河南府盧氏縣熊耳山志縣

謂伊水出閼嶺之陽者古熊耳盤基甚廣閼嶺亦熊耳也

至偃師縣南入洛洛水出今陝

西西安府雒南縣冢嶺山至河南鞏縣東北入河漣

水出今河南府洛陽縣西北穀城山至縣東入洛澗

水出今河南府澠池縣東北白石山至洛陽縣西南

入洛

胡氏渭曰洛誥周公曰我乃卜澗水東漣水西惟洛

食謂王城也我又卜漣水東亦惟洛食謂下都也漢

志漣水出河南穀城縣替亭北東南入雒後漢志漣

水出河南穀城縣劉昭引博物記曰出替亭山

括地志云故穀

城在河南縣西北十八里苑中西臨穀水左傳定八年周大夫詹翩叛單子伐穀城卽此漢穀城縣魏省入河南縣自故縣西北又三十二里有穀城山東連

孟津縣界卽博物記所謂替亭山也

水經漣水出河南穀城縣北山東與干

金渠合又東過洛陽縣南又東過偃師縣又東入于

洛注云縣北有替亭瀍水出其北梓澤中厯澤東而

南水西有一原其上平敞古舊替訛為舊亭之處潘安仁西

征賦所謂越街郵者也瀍水又東南流注于穀穀水

自千金塢東注謂之千金渠也渭案王城卽邽邑漢

爲河南縣其故城在今洛陽縣西北後漢志云河南周公所城雒邑也春秋時謂之

城王下都卽成周漢爲洛陽縣河南郡治其故城在今

洛陽縣東北二十里後漢志云雒陽周時號成周二城東西相去四十

里而今洛陽縣居其中隋大業初營新都始移二縣于都城內金又省河南入洛陽古時澗

水經河南故城西入洛瀍水經河南故城東入洛故

澗水東瀍水西爲王城而瀍水東爲下都洛誥之文

甚明也自周靈王壅穀水使東出於王城之北則其

勢必入于瀍水而合流厯王城之東以南注于洛時

二水猶未經洛陽城也迨東漢建都於此自河南縣東十五里之千金竭引水繞都城南北以通漕而漣水始與穀水俱東注矣古時漣不合澗亦不過洛陽縣南而東至偃師也

滎波既豬

〔錐指〕正義曰沈水入河溢爲滎滎是澤名鄭云今塞爲平地滎陽民猶謂其處爲滎澤在其縣東馬鄭王本皆作滎播謂此澤名滎播渭案地理志沈水出河東垣縣王屋山東南至武德入河軼出滎陽北地中蓋卽滎澤經所謂溢爲滎也今河南開封府滎澤縣本漢滎陽縣地隋分置滎澤縣澤在其縣南而班云出縣北鄭云在縣東者蓋滎陽故城在今縣西南班鄭據以爲言澤起縣北厯其東也

滎澤故城在今縣北五里隋置明洪武八年爲河水

所圯移
今治

地理今釋滎波卽滎澤在今河南開封府滎陽縣南
三里古城村案孔安國傳云滎澤波水已成遏豬正
義曰鄭云今塞爲平地滎陽民猶謂其處爲滎澤在
其縣東蓋濟水伏流地中絕河而南溢爲巨澤禹貢
雖指云閭百詩云案馬鄭王本波並作播伏生今文
亦然孔安國解作一水非二水以爲二水自顏師古
始宋林之奇本之引周職方豫州其川滎雒其浸波
差爾雅水自洛出爲波別滎波爲二水蔡氏因之然
案圖究義一爲濟之溢流一爲洛之支流以滎波爲
二水終無是處傳氏寅曰上文言導洛此則專主導
濟言不當又泛言洛之支水職方所記山川非治水
次第不必泥也山海經婁涿之山波水出於其陰北

流注於穀水今本作陂郭璞云世謂之百答水非屬
波水證一惟酈注引作波然亦出於山不出於洛非
屬波水證二水經洛水又東門水出焉注云爾雅所
謂洛別爲波也惟此堪引然余考門水下流爲鴻關
水今謂之洪門堰在商州洛南縣東北至靈寶縣而
入河何曾見水豬爲澤乎非屬波水證三百詩此論
精覈且職方豫州之波出魯山縣鄭注謂卽滎播固
非而洛南之波水則與滎澤相距五六百里中隔大
山豈可總撮而言之曰滎波旣豬乎其說極詳引之
以證林氏之失

導荷澤被孟豬

錐指正義曰地理志云荷澤在濟陰定陶縣東孟豬
在梁國睢陽縣東北左傳爾雅作孟豬周禮作望諸

聲轉字異正是一地也周禮青州澤藪曰望諸此乃屬豫者周無徐徐并於青青在豫東故得兼有孟豬定陶今屬山東兗州府之曹州其故城在今縣西北四里睢陽今爲商邱縣河南歸德府治其故城在今治南二里通典云荷澤在曹州濟陰東北九十里故定陶城東北宋州虞城縣有孟豬澤元和志云孟豬澤在虞城西北十里周迴五十里今在商邱東北接虞城界也

地理今釋荷澤古濟水所匯當在今山東兗州寧甯州東南及定陶縣界孟豬周禮作望諸史記作明都澤今河南歸德府商邱虞城二縣界有孟豬臺寰宇記云虞城孟諸澤俗呼爲湄臺蓋澤中有臺也胡氏渭曰周禮青州澤藪曰望諸爾雅十藪宋有孟

豬左傳僖十八年楚子玉夢河神賜以孟諸之麋文
十年宋道楚子田孟諸杜預曰宋大藪也水經注云
尚書曰導荷澤被孟豬孟豬在睢陽縣東北鬪駟十
三州記曰不言入而言被者明不常入也水盛方乃
覆被矣寰宇記云虞城孟豬澤俗呼爲湄臺蓋澤中
有臺也渭案今虞城縣西北十里有孟諸臺接商邱
縣界卽此爾雅水草交曰麋麋古湄字臺蓋以孟諸
之麋得名也自元至元二十三年以後歸德府城南
北屢被黃河衝決禹迹不可復問然余考漢書梁孝
王傳築東苑方三百里則孟諸澤皆在其中矣孝王
大治宮室臺榭陂池高高下下澤形盡失故酈元於
睢陽故城絕不言孟諸而敘臺池甚詳蓋澤之畔岸
蕩夷無存久矣元和志云周迴五十里亦彷彿言之

耳

又曰豫州有古太皞祝融之虛及帝嚳成湯所都虞

舜後卽少康所都

戈邳封葛三鬻諸國皆在焉春秋時可考者

管蔡邾曹鄭東虢西虢凡蔣祭祀宋焦申許蓼

楚子穀曰武王克州蓼卽此一作廖漢志南陽縣故廖國

密隨厲唐戴沈息房

周語內史過曰昭王娶于房後漢志汝南

吳房縣故房國楚靈王所滅

滑鄆郛穀鄧賴項頓胡江黃道柏州來絞

蠻陸渾凡四十一國戰國時屬宋魏韓而秦楚亦兼

得其地秦并天下置三川碭郡潁川南陽

東境北境是

南郡

北境是漢復置豫州

領郡國五其今河南府陝郡宏農之地則屬兗州

後漢爲司

隸

治潁陽豫州

治譙領郡國六魏因之晉分置司州

領郡十一豫州領郡國十

唐爲都

畿之河南府

洛州

陝郡

陝南境臨汝

滎陽

鄭等郡河南道

之陳

留

睢陽

朱

濟陰

曹

譙郡

亳

潁川

許淮陽陳汝

陰

潁

汝南

豫

等郡山南東道之淮安

唐

南陽

鄧襄陽

襄漢東

隨

武當

均

等郡及河東道之宏農郡

號

案以

上通典所列濟陰之乘氏當往屬兗襄陽之南漳漢東之光化當往屬荆又有當來屬者兗域靈昌之匡城梁域上洛之上津東境廢長利縣地是也取今輿地言之河南則河南開封歸德南陽汝寧五府及汝州直隸則大名府之東明長垣山東兗州府之定陶曹縣城武單縣江南則鳳陽府之潁州潁上太和亳州蒙城湖廣則襄陽府之襄陽光化宜城棗陽穀城均州鄖陽府之鄖縣保康及鄖西之東境德安府隨州之北境皆古豫州域也

華陽黑水惟梁州

雖指傳曰東據華山之南西距黑水曾氏曰華山之陰爲雍州其陽爲梁州則梁州之北雍州之南以華

爲畿

周禮注
畿限也

而梁實在雍州之南矣薛氏曰梁州北界

華山南距黑水黑水今瀘水也酈道元說黑水亦曰

瀘水若水馬湖江出姚州徼外吐蕃界中東北至敘

州宜賓縣入江也渭案華卽西岳華山地理志京兆

華陰縣南有太華山在今陝西西安府華陰縣南入

里華陽今商州之地是也黑水諸家遵孔傳謂出雍

歷梁入南海爲二州之西界故其說穿鑿支離不可

得通唯韓汝節疑梁州自有黑水爲界與導川之黑

水不相涉而不謂薛士龍已先得之蔡古之若水卽

禹貢梁州之黑水漢時名瀘水唐以後名金沙江而

黑水之名遂隱然古記閒有存者地理志滇池縣有

黑水祠一也山海經黑水之閒有若水二也水經注

白朱提

音殊
時

至犍道有黑水三也輿地志黑水至犍道

入江四也今瀘水西連若水南界滇池東經朱提

道其爲梁州之黑水無疑矣故斷從薛氏以南北易

孔傳之東西亦甚明確也姚州本漢弄棟青蛉遂久

三縣地弄棟屬益州郡青蛉遂久屬越嶲郡今爲雲南之姚安府宜賓本漢

越嶲縣建爲郡治今爲四川敘州府治孔疏云周禮職方

氏華山在豫州界內此梁州境東據華山之南不得

其山故言陽山之西則雍州境也竊謂職方九州之

山川與禹貢不同雍既有嶽山爲鎮故華屬豫今以

禹貢之太華爲豫州山彼兗之鎮曰岱亦將以禹貢

之岱爲兗州山乎其不可也明矣蓋境上之山非一

州所得專青徐共是岱荆豫共是荆而太華則雍梁

豫共之華北爲雍華南爲梁華東爲豫豫雖不言西

界觀雍梁可見也九域志云華山四州之際東北冀

東南豫西南梁西北雍十字分之四隅為四州此言實獲我心然冀境三面距河華山在河外冀又與三

州微別耳漢志若水出蜀郡旄牛縣徼外南至大

苻入繩今黎大所南有旄牛故城即漢縣師古曰西南之徼猶北方塞也繩水出越巂郡遂久

縣徼外東至棘道入江行千四百里巂先志反今建昌衛治即漢越巂郡都縣也

遂入蜀漢改屬雲南水經注若水出蜀郡旄牛徼外東南至故關

為若水司馬相如傳曰略定西南夷適關益斥西至沫若水又曰關沫若是若水故有關也山海經曰南海

內黑水之間有木名曰若木若水出焉若水沿流閒

關蜀土黃帝長子昌意降居斯水為諸侯娶蜀山氏

女生顓頊於若水之野若水東南流鮮水注之一名

州江大度漢志鮮水出旄牛徼外南入若水又南逕越巂郡都縣西有巂水漢武帝

置越巂郡治都縣言越此水以章休盛也縣故即都國越巂水即繩若矣又有溫水冬夏常熱昔李驤敗李流于溫水是也案此溫水源流不遠非漢志詳

也柯鐔封縣下之溫水東至廣鬱入鬱者金吉甫謂漢志以瀘為溫字從省誤非也也即都唐為巂州越巂縣今建昌衛四川行都司治領營四倉川鹽井冕山越

舊

又南逕大柞縣入繩

繩水出徼外山海經曰巴遂之山繩水出焉東南流逕髦牛道至大柞與若水合自

下亦通謂之繩水

又南逕會無縣

元和志會川縣北至雋州三百七十里本漢會無縣也今為會川營地

與孫水

合

孫水出臺登縣一名白沙江南流逕邛都縣司馬相如定西夷橋孫水即此又南至會無入若水也漢志臺登縣孫水南至會無入若行七百五十

里元和志雋州臺登縣正南微西至州一百七十里念諾水本名繩水流入瀘水在縣西北七百里自羌戎界流入長江水本名孫水出縣西北胡浪山下今

冤山營東

繩水南經雲南郡之遂久縣蜻蛉水入焉

縣本屬越

北有孫水 嵩蜀漢建興三年分益州永昌置雲南郡以遂久來屬蜻蛉水出蜻蛉縣西東逕其縣下又東注于繩水漢志蜻蛉縣禺同山有金馬碧雞

又逕

三絳縣西

三絳一日小會無

又逕姑復縣北

對三絳縣

淹水注之

淹水出遂久徼外東南至

蜻蛉縣又東過姑復縣南東入于若水案漢志會無臺登遂久蜻蛉三絳姑復並屬越雋郡

又東與母血水合

漢志益州

郡弄棟縣東農山母血水出北至三絳南入繩行五百一十里母音無

又東涂水注之

漢志牧靡縣南臘涂水所出西北至越雋

入繩過郡二

又東北至犍為朱提縣西為瀘江水

後漢書建武十九年武威

將軍劉尚擊西夷反者棟蠡度瀘水入益州郡注云瀘水一名若水出旄牛徼外經朱提至犍道入江在今雋州南

朱提山名應

劭曰在縣西南以氏焉犍為屬國也在郡南千八百

許里建安二十年立朱提郡治縣故城

尋廢諸葛亮南征復置自梁陳已來不復